

葉縣志總目

卷首

序文 目錄 纂修姓氏 凡例 圖考

卷之一

輿地志

沿革

星野

疆域

形勝附

山川

古蹟

卷之二

建置志

城池

街道附

廨宇

鋪舍附

倉廩

學校

勸附

坊表

關津

橋梁

寨堡附

祠宇附

寺

卷之三

禮樂志

典禮

職祀

鄉約

總目

卷之四

賦役志

丁役里甲

田賦鹽法

雜稅附驛站

卷之五

職官志

各表

卷之六

選舉志

各表

卷之七

名宦志

卷之八

人物志

鄉賢耆宿

儒林

文苑

孝義

忠烈

卷之九

藝文志

賦墓表

詩

頌

贊

記

序

墓志

銘

傳

書事

論

考

祭文

卷之十

雜記

紀事錄異

輯聞辨疑

附錄

舊志凡例

舊志編次

舊志纂修姓氏

卷之七

名臣志

同知銜調署葉縣事中牟縣知縣歐陽霖重修

定國以死勤事凡有功德於民者則祀以報之春秋祭
享儀視兩廡典至重而名不可假也舊志分崇祀吏治
忠貞三類而又將已列祀典之任摘析入吏治唐天恩
何仲山劉國能析入忠貞自棄其例殊覺未愜葉祀名
宦十有五人今悉著錄於篇其未列祀典而政績可書
者各以時代爲次仿通志之例不復分綴細目所敘諸

人皆據實表章不敢溢美後之覽者庶無譏焉志名宦
第七

周

沈諸梁字子高楚人惠王時爲葉縣尹楚縣尹稱公故號
葉公孔子適楚葉公問政子以近者說遠者來告之初楚
太子建與晉人謀襲鄭鄭人省之遂殺子木其子曰勝在
吳子西欲召之葉公曰吾聞勝也許而亂無乃害乎子西
曰吾聞勝也信而勇不爲不利舍諸邊竟使衛藩焉葉公
曰周仁之謂信率義之謂勇吾聞勝也好復言而求死士
殆有私乎復言非信也期死非勇也子必悔之弗從召之

使處吳竟爲白公請伐鄭子西曰楚未節也不然吾不忘也他日又請許之未起師晉人伐鄭楚救之與之盟勝怒曰鄭人在此讎不遠矣遂作亂殺子西子期於朝而劫惠王葉公在蔡方城之外皆曰可以入矣子高曰吾聞之以險徼幸者其求無厭偏重必離聞其殺齊管修也而後入及北門或遇之曰君胡不胄國人望君如望慈父母焉盜賊之矢若傷君是絕民望也若之何不胄乃胄而進又遇一人曰君胡胄國人望君如望歲焉日月以幾若見君面是得艾也民知不死其亦夫有奮心猶將旌君以徇於國而又掩面以絕民望不亦甚乎乃免胄而進遇箴尹固帥

其屬將與白公子高曰微二子者楚不國矣棄德從賊其
可保乎乃從葉公使與國人以攻白公白公奔山而縊沈
諸梁兼二事國甯乃使甯爲令尹使寬爲司馬而老於葉
葉有東西二陂引澧水以資灌溉並葉公所作至今遺跡
尙存名水城祀名宦

漢

王喬河東人也顯宗世爲葉令喬有神術每月朔望常自
縣詣臺朝帝怪其來數而不見車騎密令太史伺望之言
其臨至輒有雙鳧從東南飛來於是候鳧至舉羅張之但
得一隻焉乃詔上方診視則四年中所賜尙書官屬

也每當朝時門下鼓不擊自鳴聞於京師後天下玉棺
於堂前吏人進排終不搖動喬曰天帝獨召我耶乃沐浴
服飾寢其中蓋便立覆宿昔葬於城東土自成墳其夕縣
中牛皆流汗喘乏而人無知者百姓乃爲立廟號葉君祠
牧守每班錄皆先謁拜之吏人所禱無不如應若有違犯
亦立能爲祟帝乃迎取其鼓置都亭下略無復聲焉或云
此卽古仙人王子喬也墓在今縣東南三十里墳臺村祀
名宦

荀汪潁川人爲昆陽令父淑有八子時號八龍汪其第五
子也政績未詳

唐

張景洪開元中仙州刺史建葉公廟於縣東三里

宋

李喬卿葉縣令政績失考 按康熙間有人過寶豐橋水

中亂石縱橫見西南一石礪然壁立上有刻文云知郟城

晁仲參葉令李喬卿進士孔鵬烹茶於此皇祐壬辰八月

十八日凡二十八字晁之吏才嘗見許於范文正公鵬爲

孝行孔皎之舍喬卿得與之會集其爲文雅吏無疑矣亟

爲補入以光 巨乘

舊志補遺
今移於此

莊稱字公

其先蜀人高祖漢江孟氏爲上將軍從子

昶入朝家京師遂爲開封人桷登進士乙科調鄧州司理
參軍治獄多平反秩滿爲均州武當令以薦屢擢進都官
員外郎官滿東歸愛葉之風土求葬其先遂折資知葉縣
葉經唐末五代之後田汙萊不治桷招募流民闢地千餘
頃桑棗十餘萬本增戶五千有奇考課爲京西路諸邑最
遷職方員外郎通判鄆州改郢州歲荒勸出粟賑飢民郢
無流人厯知成州洋州房州時朝旨取京西路材木轉運
官促人戶採伐輸送桷具利害聞於朝詔罷之最後知遼
州遂引典禮求退以本官致仕進左中散大夫熙寧三年
卒年七十九桷自六七歲日誦萬字能爲小詩開封尹奏

試神童十三通經史百家時歐陽文忠公大變古文遂中
第既仕能用其學多補益當世嘗著困言十篇一曰出財
二曰考吏三曰罷守四曰弭盜五曰省吏六曰寄令七曰
寓兵八曰馬政九曰觀鄉十曰芟牒其文數千言又有字
學集姓韻及所著文集皆藏於家祀名宦

梅堯臣字聖俞宣州宣城人寶元間爲葉縣宰時詔書令
民三丁籍一立校與長號弓箭手以備不虞田里蕭然聖
俞作田家貧女二詩誌慨其田家行云誰道田家樂春稅
秋未足里胥叩我門旦夕苦煎促盛夏流潦多白水高於
屋水既害我菽蝗又食我粟前月詔書來生齒復版錄三

丁籍一壯惡使操弓韞州符令又嚴老吏持鞭朴搜索稚
與艾唯存跛無目田間敢死嗟父子各悲哭南畝焉可事
買箭賣牛犢愁氣變久雨鑄缶空無粥盲跛不能耕死亡
在遲速我聞誠所慚徒爾叨君祿却詠歸去來刈薪向深
谷其貧女行云汝墳貧家女行哭音悽愴自言有老父孤
獨無丁壯郡吏來何暴縣官不敢抗督遣勿稽留龍鍾去
持杖勤勤囑四鄰幸願相依傍適聞閭里歸問訊疑猶強
果聞寒雨中僵死灤河上弱質無以託橫屍無以葬生女
不如男雖存何以當拊膺呼蒼天生死將奈向愛民之心
溢於言表按宋史堯臣本傳但言宰襄城不言宰葉羅



擢起居舍人丁母艱庭堅性篤孝母病彌年晝夜視顏色
衣不解帶及亡廬墓下哀毀得疾幾殆除服爲秘書丞提
點明道宮兼國史編修官紹聖初出知宣州改鄂州章惇
蔡卞與其黨論實錄多誣俾前史官分居畿邑以待問摘
千餘條示之謂爲無驗證旣而院吏考閱悉有據依貶涪
州別駕黔州安置言者猶以處善地爲骫法以親嫌遂移
戎州庭堅泊然不以遷謫介意蜀士慕從之游講學不倦
凡經指授下筆皆可觀徽宗卽位起監鄂州稅知舒州以
吏部員外郎召辭不行丐郡得知太平州至之九日罷庭
堅在河北與趙挺之有微隙挺之執政轉運判官陳舉承

風旨上其所作荆南承天院記指為幸災復除名羈管宜
州三年徙永州未聞命而卒年六十一庭堅學問文章天
成性得善行草書楷法亦自成一家尤長於詩初游瀟皖
幽谷寺石牛洞樂其林泉之勝因自號山谷道人云

金

劉從益字雲卿渾源人高祖撫天會初詞賦進士子孫多
由科第入仕從益博學強記精於詩學能文章為詩尤工
五言登大安元年進士累官監察御史坐與當路辨曲直
得罪去久之起為葉令修學勵俗有古良吏風葉自兵興
戶減三之一田多不毛而賦七萬石如故乃請於大司

農爲減一萬民甚賴之流亡歸者四千餘家未幾被召百姓詣尙書省乞留不許入授應奉翰林文字踰月疾卒年四十四葉人聞之端午罷酒樂爲位而哭立石頌德以致哀思祀名宦

元

郭巖字岩舉世祖至元初爲葉令明敏有斷仁愛無私吏民懷慕爲立去思碑祀名宦按郭公得祀名宦志稱其明敏有斷仁愛無私其政績必有可觀者惜元史不爲立傳生平無可考並里居亦不詳致纂述者無從紀錄有闕憾焉是以古人豐功偉業必藉文字以傳傳曰言之無文

行而不遠詎不信乎

明

唐吉祥南直隸歙縣人洪武乙丑進士初知祁縣爲政樂
易民安其化秩滿考上第賜宴南宮改知葉縣調南陽時
徵需百出政務繁劇吉祥處之沛然有餘暇雖急遽中未
嘗有疾言厲色民懷其德而服其才有神明之頌焉祀名
宦

諱文昭唐山人監生洪武初爲葉縣主簿時天下初定諸
事草創文昭參贊政務晝夜勤勞縣署學舍悉所經理治
具漸張皆其力也

舊志無
傳今增